

**RJEŠENJE**

**po Prijavi namjere koncentracije privrednih subjekta  
Konzum d.o.o. Sarajevo i Tomašević d.o.o. Istočno Sarajevo**

**Sarajevo  
Februar, 2009. godine**

Broj: 01-01-26-052-11-II/08  
Sarajevo, 11.02.2009. godine

Na osnovu čl. 25. stav (1) tačka e) i 42. stav (1) tačka d), u vezi s čl. 12., 14., 16., 17. i 18. Zakona o konkurenciji («Službeni glasnik BiH», br. 48/05 i 76/07), rješavajući po Prijavi namjere koncentracije privrednog subjekta Konzum trgovina na veliko i malo d.o.o. Sarajevo, Rajlovačka bb, Sarajevo, BiH, kojeg zastupa direktor Ismir Brkić, zaprimljenoj dana 15.12.2008. godine pod brojem: 01-01-26-052-II/08, Konkurencijsko vijeće, na 83. (osamdesettrećoj) sjednici održanoj dana 11.02.2009. godine, je donijelo

### **R J E Š E N J E**

1. Ocjenjuje se dopuštenom koncentracija na tržištu trgovine na malo mješovitom robom, prehrambenim proizvodima, pićem i proizvodima široke potrošnje za domaćinstvo u Bosni i Hercegovini, a koja nastaje sticanjem kontrole na osnovu zakupa privrednog subjekta Konzum trgovina na veliko i malo d.o.o. Sarajevo, Rajlovačka bb, Sarajevo, BiH nad privrednim subjektom Tomašević d.o.o. Istočno Sarajevo, Vojvode Radomira Putnika 38, Istočno Sarajevo BiH.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je dana 15.12.2008. godine zaprimilo Prijavu namjere koncentracije sticanjem kontrole u privrednom subjektu Tomašević d.o.o. Istočno Sarajevo, Vojvode Radomira Putnika 38, Istočno Sarajevo BiH (dalje u tekstu: Tomašević) od strane privrednog subjekta Konzum trgovina na veliko i malo d.o.o. Sarajevo, Rajlovačka bb, Sarajevo, BiH (dalje u tekstu: Konzum ili Podnosilac prijave), kojeg zastupa direktor Ismir Brkić.

Uvidom u podnesenu Prijavu utvrđeno je da ista nije uredna i kompletna, u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterijima za ocjenu koncentracija privrednih subjekta («Službeni glasnik BiH», broj 95/06) te je Konkurencijsko vijeće, u skladu sa članom 31. istog Zakona, zatražilo dopunu dana 17.12.2008. godine dopisom broj: 01-01-26-052-2-II/08 i dana 23.12.2008. godine dopisom broj 01-01-26-052-4-II/08.

Podnosilac prijave je u skladu sa zahtjevom Konkurencijskog vijeća, dostavio nedostajuću dokumentaciju dana 19.12.2008. godine dopisom broj: 01-01-26-052-3-II/08, dana 13.01.2009.

godine dopisom broj 01-01-26-052-7-II/08, dopisom broj: 01-01-26-052-9-II/08 dana 29.01.2009. godine i dopisom broj: 01-01-26-052-10-II/08 dana 30.01.2009. godine.

Konkurencijsko vijeće je dana 30.12.2008. godine Podnosiocu prijave izdalo Potvrdu o prijemu uredne i kompletne Prijave broj 01-01-26-052-5-II/08, u smislu člana 30. stav (3) Zakona.

U skladu sa članom 30. stav (2) Zakona Podnosilac prijave navodi da nije podnio niti namjerava podnijeti zahtjev za ocjenu koncentracije nekom drugom tijelu ovlaštenom za ocjenu koncentracija izvan teritorije Bosne i Hercegovine, s obzirom da učesnici koncentracije posluju isključivo na teritoriji Bosne i Hercegovine.

Konkurencijsko vijeće je utvrdilo da je Prijava podnesena u Zakonom propisanom roku, u smislu člana 16. stav (1) Zakona.

## **1. Učesnici predmetne koncentracije**

Učesnici koncentracije su privredni subjekti Konzum trgovina na veliko i malo d.o.o. Sarajevo, Rajlovačka bb, Sarajevo, BiH i Tomašević d.o.o. Istočno Sarajevo, Vojvode Radomira Putnika 38, Istočno Sarajevo BiH.

### ***1.1 Privredni subjekt Konzum***

Privredni subjekt «Veleprodajni centar» trgovina na veliko i malo d.o.o. Sarajevo je rješenjem Kantonalnog suda Sarajevo broj UF/I-340-04 od 08.03.2004. godine upisan u sudski registar, a rješenjem Općinskog suda u Sarajevu broj 065-0-Reg-07-003892 od 22.01.2008. godine naziv ovog privrednog subjekta je promijenjen i sada glasi Konzum trgovina na veliko i malo d.o.o. Sarajevo. Osnovna djelatnost društva je nespecijalizovana trgovina na veliko harnom, pićima i duhanskim proizvodima. Osnivač i 100% vlasnik privrednog subjekta Konzum je privredni subjekt Konzum trgovina na veliko i malo d.d. Zagreb, Marijana Čavića 1/a, Zagreb, Republika Hrvatska.

Prema podacima Podnosioca prijave većinski vlasnik privrednog subjekta Konzum d.d. Zagreb je privredni subjekt Agrokor d.d. Zagreb, Republika Hrvatska, sa (..)\*\*<sup>1</sup> % ukupnih dionica, dok (..)\*\*% ima privredni subjekt Jamnica d.d. Zagreb, Republika Hrvatska, (..)\*\*% privredni subjekt Investco vrijednosnice d.o.o. Zagreb, Republika Hrvatska, dok ostali dioničari iz Republike Hrvatske imaju (..)\*\*%.

### ***1.2 Vlasnička struktura i povezana društva privrednog subjekta Konzum***

Privredni subjekt Agrokor u Bosni i Hercegovini je vlasnik privrednog subjekta INIT d.d. Sarajevo (glavna djelatnost: informatičke usluge) sa (..)\*\*% vlasničkog udjela, privrednog subjekta Agrokor Zagreb d.o.o. Grude (glavna djelatnost: uvoz/izvoz) sa (..)\*\*% vlasničkog udjela, privrednog subjekta TP Distributivni centar d.d. Sarajevo (glavna djelatnost: trgovina na veliko) sa (..)\*\*% vlasničkog udjela.

Privredni subjekt Agrokor, preko svojih supsidijarnih društava registrovanih u Republici Hrvatskoj, indirektno kontroliše sljedeće privredne subjekte u Bosni i Hercegovini:

- privredni subjekt Sarajevski Kiseljak (glavna djelatnost: proizvodnja mineralnih voda i osvježavajućih pića) preko privrednog subjekta Jamnica d.d. Zagreb ((..)\*\*% vlasnik);

---

<sup>1</sup> (..)\*\* podaci predstavljaju poslovnu tajnu

- privredni subjekt Zvijezda d.o.o. Sarajevo (glavna djelatnost: proizvodnja jestivog ulja i margarina) preko privrednog subjekta Zvijezda d.d. Zagreb ((..)\*\* vlasnik);
- privredni subjekt Ledo Čitluk d.o.o. (glavna djelatnost: proizvodnja sladoleda i smrznutog voća i povrća) preko privrednog subjekta Ledo d.d. Zagreb ((..)\*\*% vlasnik);
- Privredni subjekt PIK Vrbovec BH d.o.o. Sarajevo (glavna djelatnost: trgovina mesnim prerađevinama), preko privrednog subjekta PIK Vrbovec – mesna industrija d.d. Vrbovec ((..)\*\*% vlasnik)

Direktor društva «Konzum» d.o.o. Sarajevo nije član Uprave ili Nadzornog odbora u nekom privrednom subjektu na relevantnom tržištu.

### **1.2 Privredni subjekt Tomašević**

Privredni subjekt «Tomašević» d.o.o. Istočno Sarajevo, Vojvode Radomira Putnika 38, upisan je u sudski registar Osnovnog suda u Sarajevu dana 29.11.1993. godine rješenjem broj U-I-531/93 pod nazivom «Tomašević» preduzeće u privatnoj svojini za proizvodnju, unutrašnju i spoljnu trgovinu, turizam i ugostiteljstvo, prevoz i usluge Ilidža p.o. Donji Kotorac 98. Osnovna djelatnost privrednog subjekta Tomašević trgovina na veliko ostalim proizvodima za domaćinstvo.

Vlasnici privrednog subjekta Tomašević su fizička lica Tomašević Savo, nastanjen u ulici (..)\*\* , (..)\*\* , JMBG (..)\*\* , sa udjelom od (..)\*\*% i Mladen Bogdanović, nastanjen u ulici (..)\*\* , (..)\*\* , JMBG (..)\*\* , sa udjelom od (..)\*\*%.

Privredni subjekt Tomašević nema udjela, dionica ili bilo kakvih glasačkih prava niti u jednom društvu odnosno privrednom subjektu, niti je direktor privrednog subjekta Tomašević član Uprave ili Nadzornog odbora u nekom privrednom subjektu na relevantnom tržištu.

## **2. Obaveza prijave namjere koncentracije**

Obveza prijave namjere koncentracije privrednih subjekata, u smislu odredbe člana 14. stav (1) Zakona, postoji ako ukupni godišnji prihodi svakog učesnika koncentracije ostvareni prodajom roba i/ili usluga na tržištu Bosne i Hercegovine iznose najmanje 5.000.000,00 KM, po završnom računu u godini koja je prethodila predmetnoj koncentraciji.

Ukupni prihodi učesnika koncentracije, na dan 31.12.2007. godine:

Tabela 1.

<b>Ukupni prihod (KM)</b>	<b>Konzum</b>	<b>Tomašević</b>
<b>Svijet</b>	--	--
<b>Bosna i Hercegovina</b>	(..)**	(..)**

Izvor: Prijava namjere koncentracije

Ukupni prihod učesnika koncentracije ostvaren prodajom roba na tržištu BiH iznosi preko 5.000.000,00 KM po završnom računu u godini koja je prethodila koncentraciji, odnosno, ukupni godišnji prihod privrednog subjekta Konzum u 2007. godini na nivou BiH iznosio je (..)\*\*KM. Privredni subjekt Tomašević u istom periodu je ostvario ukupni prihod na nivou BiH u iznosu od (..)\*\*KM.

Dakle, iz navedenog proizilazi obaveza podnošenja prijave namjere koncentracije u smislu člana 16. u vezi sa članom 14. stav (1) tačka a) Zakona.

### **3. Pravni okvir ocjene koncentracije**

Konkurencijsko vijeće je u provođenju postupka ocjene dopuštenosti predmetne koncentracije primjenilo odredbe Zakona, Odluke o utvrđivanju relevantnog tržišta («Službeni glasnik BiH», broj 18/06) te Odluke o načinu podnošenja prijave i kriterijima za ocjenu koncentracija privrednih subjekata.

### **4. Pravni osnov i oblik koncentracije**

Pravni osnov predmetne koncentracije je Ugovor o poslovnoj saradnji i zakupu poslovnih prostora, zaključen dana 11.12.2008. godine, između privrednog subjekta Tomašević kojeg zastupa direktor Savo Tomašević, nastanjen u ulici (.)\*\*, (.)\*\*, JMBG (.)\*\* i privrednog subjekta Konzum, kojeg zastupa direktor Ismir Brkić (dalje u tekstu: Ugovor)

Predmetnim ugovorom privredni subjekt Konzum uzima u zakup 3 poslovna prostora koji se nalaze na području Lukavice, Pala i Foče (čija će ukupna površina biti naknadno određena i o čemu će ugovorne strane zaključiti aneks ugovora), od privrednog subjekta Tomašević na vremenski period od 10 godina. Ovim ugovorom privredni subjekt Konzum uzima na korištenje trgovačku opremu, strojeve i uređaje koji se nalaze u poslovnim prostorima koji se uzimaju u zakup, a također će od privrednog subjekta Tomašević preuzeti i zalihe trgovačke robe koja se zatekne u poslovnim prostorima na dan primopredaje. Ugovorom je definisano i da će privredni subjekt Konzum zasnovati radni odnos sa (.)\*\* zaposlenika privrednog subjekta Tomašević čija su radna mjesta u poslovnim prostorima koje se uzimaju u zakup.

U skladu sa naprijed navedenim, a na osnovu člana 12. stav (1) tačka b) pod 3. pravni oblik koncentracije je sticanje kontrole jednog odnosno više privrednih subjekata nad drugim odnosno nad više drugih privrednih subjekata ili dijelom drugog privrednog subjekta, odnosno, dijelovima drugih privrednih subjekata, u skladu sa odredbama zakona koji regulišu osnivanje privrednih subjekata i njihovo upravljanje.

### **5. Relevantno tržište**

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta relevantno tržište proizvoda obuhvaća sve proizvode i/ili usluge za koje potrošači smatraju da su međusobno zamjenjivi s obzirom na njihove bitne karakteristike, kvalitet, namjenu, cijenu ili način upotrebe.

Nadalje, prema članu 5. Odluke o utvrđivanju relevantnog tržišta relevantno tržište u geografskom smislu obuhvaća cijelu ili dio teritorije Bosne i Hercegovine, na kojoj tržišni konkurenti djeluju u prodaji i/ili kupovini relevantnog proizvoda pod jednakim ili dovoljno ujednačenim uslovima koji to tržište bitno razlikuju od uslova tržišne konkurencije na susjednim geografskim tržištima.

Prilikom analize relevantnog tržišta učesnika predmetne koncentracije Konkurencijsko vijeće je utvrdilo da je relevantno tržište predmetne koncentracije tržište trgovine na malo mješovitom robom, prehrambenim proizvodima, pićem i proizvodima široke potrošnje za domaćinstvo.

Prilikom određivanja relevantnog tržišta Konkurencijsko vijeće je uzelo u obzir činjenicu da privredni subjekt Konzum posluje na cijeloj teritoriji Bosne i Hercegovine.

Slijedom navedenoga, relevantnim tržištem predmetne koncentracije smatra se tržište trgovine na malo mješovitom robom, prehrambenim proizvodima, pićem i proizvodima široke potrošnje za domaćinstvo na cijeloj teritoriji Bosne i Hercegovine.

## 6. Analiza relevantnog tržišta

Popis i procjena tržišnih udjela privrednog subjekta Konzum i njegovih glavnih tržišnih konkurenata krajem 2007. godine, navedeni su u Tabeli 2.

Tabela 2.

Rb	Privredni subjekt	Tržišni udio (%)
1.	Interex, Sarajevo	9,0
<b>2.</b>	<b>Konzum, Sarajevo</b>	<b>5,8</b>
3.	Bingo, Tuzla	5,1
4.	Tropic centar, Banja Luka	4,9
5.	Drvopromet, Sarajevo	2,2
6	Mercator, Sarajevo	2,1
7.	Omega, Živinice	1,5
8.	Robot, Sarajevo	1,1
<b>9.</b>	<b>Tomašević, Istočno Sarajevo</b>	<b>0,9</b>
10.	Merkur, Sarajevo	0,8
11.	Ostali	67,5
<b>12.</b>	<b>Ukupno (2+9)</b>	<b>6,7</b>
<b>13.</b>	<b>Ukupno</b>	<b>100,0</b>

Izvor: Prijava namjere koncentracije

Podnosilac prijave u Prijavi procjenjuje da tržišni udio privrednog subjekta Tomašević na relevantnom tržištu iznosi manje od 1%, uzimajući u obzir godišnji prihod i broj maloprodajnih objekata (tri poslovna prostora).

Na osnovu podataka iz Tabele 2. vidljivo je da najveći tržišni udio na relevantnom tržištu od 9,0% ima privredni subjekt Interex - Sarajevo, a slijede ga privredni subjekti Konzum sa 5,8% tržišnog udjela i privredni subjekt Bingo Tuzla koji ima 5,1% tržišnog udjela.

Navedeni podaci pokazuju da je relevantno tržište slabo koncentrirano jer postoji veliki broj privrednih subjekata s pojedinačnim udjelima koji onemogućavaju stvaranje dominantnog položaja.

Preuzimanjem poslovnih prostora drugoročnim zakupom, privredni subjekt Konzum u predmetnoj koncentraciji preuzima tržišne udjele privrednog subjekta Tomašević na relevantnom tržištu. Imajući u vidu navedeno, evidentno je da tržišni udio učesnika predmetne koncentracije na relevantnom tržištu iznosi 6,7%, od čega je tržišni udio privrednog subjekta Konzum 5,8% i privrednog subjekta Tomašević 0,9%. Analizom podataka dostavljenih uz Prijavu, Konkurencijsko vijeće je utvrdilo da su zajednički tržišni udjeli učesnika koncentracije na relevantnom tržištu znatno ispod tržišnog udjela od 40,0% koji predpostavlja da privredni subjekt može imati dominantni položaj, u smislu člana 9. Zakona.

## **7. Ocjena predmetne koncentracije**

Konkurencijsko vijeće je nakon procjene i analize podataka i činjenica u smislu člana 17. Zakona, u postupku donošenja predmetnog Rješenja utvrdilo da koncentracija predmetnih privrednih subjekata ne sprečava, ograničava niti narušava tržišnu konkurenciju na tržištu trgovine na malo mješovitom robom, prehrambenim proizvodima, pićem i proizvodima široke potrošnje za domaćinstvo u Bosni i Hercegovini.

Pri donošenju ove odluke Konkurencijsko vijeće posebno je imalo u vidu da ova koncentracija nije značajno povećala tržišne udjele učesnika koncentracije na relevantnom tržištu.

Predmetnom koncentracijom će se osigurati unapređenje distribucije robe, odnosno, skraćivanje tokova distribucije robe, te poboljšati snabdijevanje tržišta i proširiti asortiman, što može uticati na snižavanje cijena, a što sve za krajni rezultat može imati dobrobit potrošača.

Uzimajući u obzir sve navedene činjenice i podatke koji su prethodili donošenju odluke, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) pod a) Zakona, kao što je odlučeno u dispozitivu ovog Rješenja.

## **7. Administrativna taksa**

Na ovo Rješenje podnosilac Prijave, u skladu s članom 2. tarifni broj 107. stav (1) tačka d) 1) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06), obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

## **8. Pouka o pravnom lijeku**

Protiv ovog Rješenja nije dozvoljena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja odnosno od dana njegovog objavljivanja.

**Predsjednik**

**Ibrica Lakišić**

### **Dostavljeno:**

- **podnosiocu Prijave**
- **u spis**
- **a/a**